

2009 Rhif 108 (Cy.21)

AMAETHYDDIAETH, CYMRU

**Rheoliadau Llaeth Ysgol (Cymru)
(Diwygio) 2009**

NODYN ESBONIADOL

(Nid yw'r nodyn hwn yn rhan o'r Rheoliadau)

Mae'r Rheoliadau hyn yn gwneud mân ddiwygiadau i Rheoliadau Llaeth Ysgol (Cymru) 2008(1).

Mae rheoliad 2(2) yn diwygio'r diffiniad o "cyfnod allweddol 2".

Mae rheoliad 2(3) yn darparu y caiff Gweinidogion Cymru roi cymorth cenedlaethol mewn cysylltiad â chyflenwi cynhyrchion llaeth cymwys i ddisgyblion mewn sefydliadau addysgol cymwys.

2009 Rhif 108 (Cy.21)

AMAETHYDDIAETH, CYMRU

Rheoliadau Llaeth Ysgol (Cymru) (Diwygio) 2009

Gwnaed 26 Ionawr 2009

Gosodwyd gerbron Cynulliad

Cenedlaethol Cymru 27 Ionawr 2009

Yn dod i rym 18 Chwefror 2009

Mae Gweinidogion Cymru wedi'u dynodi(1) at ddibenion adran 2(2) o Ddeddf y Cymunedau Ewropeaidd 1972(2) o ran polisi amaethyddol cyffredin y Gymuned Ewropeaidd.

Mae Gweinidogion Cymru yn gwneud y Rheoliadau a ganlyn drwy arfer y pwerau a roddwyd iddynt gan adran 2(2) o Ddeddf y Cymunedau Ewropeaidd 1972(3) a pharagraff 1A o Atodlen 2 iddi.

Enw, cychwyn a chymhwyso

1.—(1) Enw'r Rheoliadau hyn yw Rheoliadau Llaeth Ysgol (Cymru) (Diwygio) 2009 a deuant i rym ar 18 Chwefror 2009.

(2) Mae'r Rheoliadau hyn yn gymwys o ran Cymru.

Diwygio Rheoliadau Llaeth Ysgol (Cymru) 2008

2.—(1) Diwygier Rheoliadau Llaeth Ysgol (Cymru) 2008(4) yn unol â pharagraffau (2) i (3) isod.

(2) Yn lle'r diffiniad o "cyfnod allweddol 2" ("key stage 2") yn rheoliad 2(1) rhodder—

-
- (1) Yn rhinwedd adran 59(1) a pharagraff 30 o Atodlen 11 i Ddeddf Llywodraeth Cymru 2006, mae swyddogaethau a roddwyd i Gynulliad Cenedlaethol Cymru yn arferadwy gan Weinidogion Cymru.
- (2) 1972 p.68. Mae Gweinidogion Cymru wedi'u dynodi o ran materion a bennir yn Atodlen 3 i Orchymyn y Cymunedau Ewropeaidd (Dynodi) (Rhif 3) 2005 (O.S. 2005/2766).
- (3) Mewnosodwyd gan adran 28 o Ddeddf Diwygio Deddfwriaethol a Rheoliadol 2006 (p.51).
- (4) O.S. 2008/2141 (Cy.190)

“mae i “cyfnod allweddol 2” yr ystyr a roddir i
“key stage 2” gan adran 103 o Ddeddf Addysg
2002;”

(3) Yn rheoliad 3(1) yn lle'r geiriau “sefydliadau
addysgol” rhodder y geiriau “sefydliadau addysgol
cymwys”.

Jane Hutt

Y Gweinidog dros Blant, Addysg, Dysgu Gydol Oes a
Sgiliau, un o Weinidogion Cymru

26 Ionawr 2009